

हरिः ॐ ।

तैत्तिरीय-ब्राह्मणे

तृतीयकाण्डे द्वादशप्रपाठके

प्रथमोऽनुवाकः ।

तुभ्यं ता अङ्गिरस्तमा श्यामतं काममग्ने । आशानां
त्वा विश्वा आशाः । अनुनोद्यानुमतिरन्विदनुमते
त्वम् । कामो भूतस्य कामस्तदग्रे । ब्रह्म जज्ञानं पिता
विराजाम् । यज्ञो रायोऽयं यज्ञः । आपो भद्रा आ-
दित् पश्यामि । तुभ्यं भरन्ति यो देह्यः । पूर्वं देवा
अपरेण प्राणापानौ । हव्यवाहः स्विष्टम् ॥ १ ॥

तुभ्यं दश ॥ अनु० १ ॥

द्वितीयोऽनुवाकः ।

देवेभ्यो वै स्वर्गो लोकस्तिरोऽभवत् । ते प्रजापति-
मब्रुवन् । प्रजापते स्वर्गो वै नो लोकस्तिरोऽभूत् । तम-
न्विच्छेति । तं यज्ञकृतुभिरन्वैच्छत् । तं यज्ञकृतुभिर्ना-
न्वविन्दत् । तमिष्टिभिरन्वैच्छत् । तमिष्टिभिरन्ववि-
न्दत् । तदिष्टीनामिष्टित्वम् । एष्टयो ह वै नाम । ता
इष्टय इत्याचक्षते परोक्षेण । परोक्षप्रिया इव हि
देवाः ॥ १ ॥